

09. oktober

UKA2018/203

**Uunga siunnersuut: Ilinniartitaanernut Inuussutissarsiutinullu siunnersuisarneq pillugu Inatsisartut inatsisaannik allannguineq pillugu Inatsisartut inatsisissaattut siunnersuut nr. xx, xx. xxx 2018-imeersoq (Ilinniagaqartunik tarnikkut isumaginninnikkullu siunnersuisarneq pillugu ilassut, ilitsersuisarnerup ilaatut, aamma Siunnersuisarnermut Siunnersuisoqatigiit katitsigaanerat pillugu allannguut, aamma kalaallisuuani iluarsisutit § 11, imm. 2, § 12, stk. 1, § 12, imm. 2, oqaaseqatigiit aappaat, aamma § 25 inatsisip kalaallisut oqaaseqaataani.)**

(Ilinniartitaanermut, Kultureqarnermut, Ilageeqarnermut, Nunanut Allanullu Naalakkersuisoq)

Naalakkersuisut inatsisissatut allannguutissatut siunnersuusiaat Siumumiit naatsumik imatut oqaasearfigissavarput.

Siumumiit Kalaallit Nunatsinni ilinniartoqarneq siuariartornissatsinnut sakkutut pingaartitariuarparput. Ukiuni qaangiuttuni ilinniartoqartarnitta pitsaasumik siumut ingerlanera nuannaarutigalugu naqissusissavarput. Nunatsinnimi ilinniartoqarnikkut pitsaanerpaamik inissisimanissarput qulakkeersimaniarlugu siunnersuisoqarnikkut pitsaamik inissisimanissaq anguniartuartaariaqarparput.

Ilinniartut uniinnartartut nunatsinni ukiuni qaangiuttuni takornartaajunnaarnikuupput. Tamanna qaangerumallugu siunnersuisartunik pikkorissunik peqarnissarput Siumumiit peqataaffigissuarput siuarsaaqataaffigissallugulu. Nunattami siuariartornissaanut ilinniarluarsimassutsikkut ineriartornissatsinnik sakkut pitsaasut tamaasa atorfissartippavut.

Nunatsinni ineriartuleruttorpugut aamma Inuussutissarsiutitigut ineriartorneq siunisami qanittumi annertuumik alloriarfiusussaavoq, minnerunngitsumik angallannikkut aqqissuusseqqinnerup aammalu aalisarnikkut aqqissuusseqqinnerup kingunissai annertuumik alloriatitsisussatut siumumiit naatsorsuutigilluinnaratsigu. Aamma tamanna Inuussutissarsiutitigut ilinniarsimasunik annertuumik pisariaqartitsisussaa-voq, taamaammat inuusuttortatta ilaat aamma Inuussutissarsiutitigut ilinniarluarsimasut pisariaqartittuartaavavut nunatsinni assakaasut siumut assakaajuasappata.

Taamaammat naalakkersusut allannguutissatut siunnersuutaat Siumumiit tamakkiisumik taperserlugu ataatsimiititaliamut susassaartunut ingerlateqqinneqarnissaa innersuusutitigissuarput Ataatsimiititaliaq siumumiit sulilluarniissaanik kissaappavut.

Oqallilluarisilu

Mala Høy Kuko, Siumut